

# The Electronic Manipulus florum

www.manipulusflorum.com

## Penitencia t cum uariis

Nichil peccare solius est Dei emendare sapientis et corrigere erratum et penitenciam agere peccati. Id tamen difficile est in hac uita homini. Quid enim tam rarum quam ut inuenias uirum qui se ipsum coarguat et factum condempnet suum? Rara itaque confessio de peccato, rara penitencia, rara in hominibus uerbi huius assertio. Repugnat enim natura, repugnat uerecundia, natura quia omnes sub peccato qui carnem gerit culpe obnoxius est. Ergo repugnat natura carnis et illecebra seculi innocencie integritatique. Repugnat eciam uerecundia quia erubescit unusquisque propriam culpam fateri, dum presencia magis quam futura cogitat.

Ambrosius epistola III. ad Simplicianum.

---

Varia in MANUSCRIPTIS (B C M) et in IMPRESSIS (P V<sup>1</sup> V<sup>2</sup> L<sup>1</sup> L<sup>2</sup>):

est Dei] Dei est C M P V<sup>1</sup> V<sup>2</sup> L<sup>1</sup> L<sup>2</sup>; peccati] de peccato P V<sup>1</sup> V<sup>2</sup> L<sup>1</sup> L<sup>2</sup>; tamen] cum C; enim] tantarum *add.* C; condempnet] condampnet B C; integritatique] integritati C